

ব্যাংকিং প্রবিধি ও নীতি বিভাগ
বাংলাদেশ ব্যাংক
প্রধান কার্যালয়
ঢাকা।

বিআরপিডি সার্কুলার লেটার নং- ০১

পৌষ ২১, ১৪২২
তারিখ :-----
জানুয়ারী ০৪, ২০১৬

ব্যবস্থাপনা পরিচালক/প্রধান নির্বাহী
বাংলাদেশে কার্যরত সব তফসিলী ব্যাংক।

প্রিয় মহোদয়,

কৃষকদের বৃহত্তর স্বার্থে স্থাপিত হিমাগার প্রকল্পগুলোর পুনর্বাসন প্রসঙ্গে।

বিআরপিডি সার্কুলার নং-৩, তারিখঃ জানুয়ারী ২৯, ২০১৫ এবং বিআরপিডি সার্কুলার লেটার নং-০৫, তারিখঃ মার্চ ০৮, ২০১৫ এর প্রতি দৃষ্টি আকর্ষণ করা যাচ্ছে।

আর্থিকভাবে ক্ষতিগ্রস্ত হিমাগার প্রকল্পগুলো পুনর্বাসনের জন্য জারীকৃত উক্ত সার্কুলার ও সার্কুলার লেটারের মাধ্যমে ঘোষিত সুবিধাদির আওতায় অনিয়মিত ঋণ ব্লকড/পুনঃতফসিলের আবেদন করার সময়সীমা ইতোমধ্যে অতিক্রান্ত হলেও ব্যাংকগুলোর নিকট থেকে এ ধরনের আবেদন পাওয়া অব্যাহত রয়েছে।

এক্ষণে এ মর্মে সিদ্ধান্ত গৃহীত হয়েছে যে, ইতোপূর্বে ঘোষিত সুবিধাদির আওতায় হিমাগার প্রকল্পের অনিয়মিত ঋণ ব্লকড/পুনঃতফসিলিকরণের জন্য আগামী ৩১ মার্চ ২০১৬ তারিখ পর্যন্ত আবেদন করা যাবে। উক্ত সময়ের পর এ ধরনের আবেদন বিবেচনা করা হবে না। এছাড়া, ইতোপূর্বে যেসব ঋণহিসাব উপরোক্ত সুবিধাদির আওতায় ব্লকড/পুনঃতফসিল করা হয়েছে সেসব ঋণ হিসাবের জন্য পুনঃআবেদন বিবেচনা করা হবে না। স্মর্তব্য, উল্লিখিত সার্কুলার ও সার্কুলার লেটারে বর্ণিত অপরাপর নির্দেশনা যথারীতি অপরিবর্তিত থাকবে।

এ নির্দেশ অবিলম্বে কার্যকর হবে।

আপনাদের বিশ্বস্ত,



(আবু ফরাহ মোঃ নাছের)

মহাব্যবস্থাপক

ফোন: ৯৫৩০২৫২।